

CENTRALNA BANKA
BOSNE I HERCEGOVINE
Broj: 150-15-4-1266- C /19 SR
Sarajevo, 05.04. 2019. godine

Na osnovu člana 69. stav (2) tačka a) i d), člana 70. stav (4) i (6) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

ODLUKU

o poništenju postupka javne nabavke robe – vunene staze i tepisi za potrebe Centralne banke Bosne i Hercegovine, putem konkurentskog zahtjeva za dostavu ponuda

Član 1.

Ovom odlukom poništava se postupak javne nabavke robe – vunene staze i tepisi za potrebe Centralne banke Bosne i Hercegovine, putem konkurentskog zahtjeva za dostavu ponuda, procijenjene vrijednosti u iznosu od 22.315,00 KM (slovima: dvadesetdvijehiljadetrinestpetnaest konvertibilnih maraka i 00/100), i to:

- za LOT-ove 1, 3 i 4 iz razloga što nije primljena nijedna ponuda u predviđenom krajnjem roku i
- za LOT 2 – iz razloga što primljena ponuda nije prihvatljiva.

Član 2.

Za realizaciju ove odluke zadužuju se Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

Član 3.

Ova odluka će se objaviti na web stranici Centralne banke Bosne i Hercegovine, www.cbbh.ba, u skladu sa članom 70. stav 6. Zakona o javnim nabavkama («Službeni glasnik BiH», broj 39/14).

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke robe – vunene staze i tepisi za potrebe Centralne banke Bosne i Hercegovine, putem konkurentskog zahtjeva za dostavu ponuda, pokrenut je Odlukom o pokretanju postupka, broj: 150-15-4-1266-2/19 SR od 18.04.2019. godine. U skladu s tim, Centralna banka je 25.04.2019. godine na portalu Javnih nabavki objavila Obavještenje o nabavci broj: 1370-7-1-260-3-128/19.

Krajnji rok za prijem ponuda bio je 08.05.2019. godine do 10.00 sati. Komisija za provođenje postupka javne nabavke je konstatovala da je u predviđenom roku primljena ponuda ponuđača SHAM CARPETS d.o.o. Sarajevo, za LOT 2, dok za LOT 1, LOT 3 i LOT 4 u predviđenom krajnjem roku nije primljena ni jedna ponuda.

Komisija za nabavke je utvrdila da je ponuda ponuđača SHAM CARPETS d.o.o. Sarajevo, neprihvatljiva iz razloga što je ponuđač imao računsku grešku u obrascu za cijenu ponude, te na zahtjev nadležne komisije nije dao saglasnost na ispravku iste, nego ju je pravdao time da je u obrascu za cijenu ponude, u dio za iznos popusta na ponudu, greškom upisana vrijednost PDV-a. Nadležna komisija za provođenje postupka nabavke nije prihvatila navedeno obrazloženje te je ponudu odbacila kao neprihvatljivu.

Imajući u vidu da pristigla ponuda za LOT 2 nije prihvatljiva, te da za preostale LOT-ove nije pristigla niti jedna ponuda, donesena je odluka kao u dispozitivu, u skladu sa čl. 69. stav (2) tačke a) i d) Zakona o javnim nabavkama.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 5 (pet) dana od dana prijema ove odluke.

Dostaviti:

- Uredu guvernera
- Viceguvernerima
- Uredu glavnog internog revizora
- sekretaru Uprave i Upravnog vijeća
- predsjedniku i članovima Komisije
- Odjeljenju za računovodstvo i finansije (original)
- Odjeljenju za zajedničke poslove
- Odjeljenju za javne nabavke (original)
- u spis predmeta (original)
- arhiva

GUVERNER
dr. Senad Softić

Za Senada Softića

